



T 4675 / 1142

三
3





法通考卷之十一

雲間主 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳化 參閱

宋諸臣議上

鳳翔節度使西面緣邊都部署贈太傅岐王王景業

州校鄉人太極亮隆四年議元靖

宋史行自... 師中... 容... 安... 人

謚法通考卷之十一

哈佛大學
哈佛燕京
圖書館
珍藏印

雲間王 圻編輯

巴郡趙可懷校正

平湖孫成泰 郢中朱一龍

參閱

龍江王應麟 西陵吳化

宋諸臣謚上

鳳翔節度使西面緣邊都部署贈太傅岐王王景萊
州掖縣人太祖建隆四年謚元靖

檢校侍衛步軍司事贈太師中書令杜審瓊安喜人

昭憲太后兄乾德中謚恭僖

右驍衛上將軍贈太傅杜審肇審瓊弟開寶中謚溫
肅

靜江軍節度使開府儀同三司贈中書令杜審進審
肇弟端拱中謚恭惠

太子太師祁國公贈侍中王溥并州祁人太宗太平
興國中謚文獻

仁宗時議改文忠楊揆曰溥於周亡不能死安
得忠乃改謚文康

尚書令右僕射檢校太師兼侍中景陵宮使贈太師
中書令王貽永溥之孫至和中謚康靖

周蕭國公宋魯國公范質大名人臨終戒其子旻勿
請謚故無謚

范質身事二姓其戒勿請謚者慮謚之弗善耳
陳橋時何不及也信死生之際難言哉

鎮陳州守中書令贈尚書令追封武威郡王石守信
浚儀人太平興國中謚武烈

檢校太師贈中書令石保吉守信子大中祥符中謚

莊武

武勝軍節度使贈中書令追封渤海郡王高懷德真
定人太平興國中謚武穆

尚書右僕射贈侍中石熙載洛陽人太平興國九年
謚元懿

少師贈太子太傅石中立熙載子景祐中謚文定

司空贈太尉中書令薛居正浚儀人太平興國中謚
文惠

檢校太師都部署判并州同平章事贈中書令韓國

公潘美大名人太宗雍熙中謚武惠

寧武軍節度同平章事岐國公贈中書令陳洪進仙
游人雍熙中謚忠順

左僕射贈侍中沈倫太康人雍熙四年謚恭惠 倫

子繼宗上言伏見故相薛居正謚文惠王溥謚文獻

臣父嘗歷集賢脩史之職伏請改謚曰文太常趙昂

等駁曰沈倫逮事兩朝有祇畏謹守之美有矜恤周

濟之心按謚法不懈于位與夫謹事奉上執政堅固

執禮御賓率事以信接下不驕能遠耻辱賢而不伐

尊賢貴讓愛民長悌不懈爲德旣過能改數者皆謂之恭慈民好與與夫柔質慈民愛民好柔寬裕不苛和質受諫數者皆謂之惠由漢以來皆爲美謚如唐溫彥博之出納明允止謚曰恭竇易直之公舉無避乃謚曰恭惠而沈倫徒能謹飭以自保全以恭配惠厥美居多昔張說之謚文正楊綰之謚文簡人不謂然蓋行義有所未充雖蒙特賜誠非至公若夫大臣子孫許其爲父陳情則曲臺考功之司爲虛器而彰善癉惡之義微矣薛居正王溥皆奮跡辭塲歷典誥

命以文爲謚允合國章沈倫謚伏望如故從之

知霸州贈侍中邢國公宋偓洛陽人太宗端拱中謚莊惠

判右金吾衛仗兼六軍司事贈太尉李崇矩上黨人端拱中謚元靖

鎮國軍節度使知許州贈中書令李遵勗崇矩孫仁宗時謚和文

寧遠軍節度使知澶州贈感德軍節度使李端懿遵勗子神宗時謚良定

蔡州觀察使贈昭德軍節度使李端慤遵勗子元祐
中謚恭敏

開府儀同三司贈中書令李繼隆明德太后兄上黨
人真宗時謚忠武

昭德軍節度使贈中書令李昭亮繼隆子謚良僖

左驍衛上將軍張美清河人太宗淳化初謚恭惠

邠王錢惟濬俶子淳化中謚安僖

侍中錢惟演俶子慶曆中謚文僖

太常張瓌謂謚法敏而好學曰文貪而敗官曰

墨請謚文墨其家訴於朝詔章得象等覆議以
惟演無貪黷狀而晚節率職自新有惶懼自憐
之意謚法追悔前過曰思宜改謚思慶曆間二
太后始升祔真宗廟室子曖復訴前議乃改謚
文僖

保靜軍留後贈平江節度使錢惟濟俶子仁宗時謚
宣惠

翰林院學士知永興軍贈禮部尚書錢明逸惟演從
子熙寧四年謚脩懿

龍圖閣學士正奉大夫贈金紫光祿大夫錢卽俶孫
徙家宜興徽宗時謚忠定

右僕射贈司空宋琪幽州薊人太宗至道二年謚惠
安

特進司空贈司徒李昉深州饒陽人至道二年謚文
正

尚書右丞贈禮部尚書李昭述昉孫仁宗時謚恪

周滁州軍事判官宋太師魏國公贈尚書令韓王趙
普幽州薊人太宗時謚忠獻

樞密使贈中書令周王曹彬靈壽人仁宗后祖父真
宗咸平中謚武惠

河陽節度使同平章事贈中書令曹璨彬長子真宗
天禧中謚武懿

彰武軍節度使贈侍中曹瑋彬第三子天禧中謚武
穆

吳王曹玘彬第五子仁宗后父謚安僖

馬軍副都指揮使贈安化軍節度使兼侍中曹琮彬
第七子仁宗時謚忠恪

崇州刺史曹傳玘子仁宗后兄謚恭懷

安德軍節度使醴泉觀使贈開府儀同三司曹誘份子仁宗皇后姪大觀中謚忠定

右千牛衛上將軍贈太尉曹翰大名人咸平元年謚武毅

河中尹護國軍節度使檢校太尉贈中書令王承衍洛陽人咸平中謚恭肅

右僕射贈侍中魏仁溥汲人景德中以子咸信請謚宣懿

司空贈司徒張齊賢曹州人徙洛陽真宗時謚文定

禮部尚書贈左僕射郭贄開封人謚文懿

判昭文館大學士贈左僕射溫仲舒河南人真宗時

謚恭肅

禮部尚書贈右僕射王化基真定人真宗時謚惠獻

太子少傅贈太子太保王舉正化基子仁宗時謚安

簡

戶部侍郎贈吏部尚書趙昌言汾州人真宗時謚景

肅

知樞密院事贈侍中周瑩景城人真宗時謚忠穆一
云謚元惠

特進檢校太師贈太尉侍中王繼英祥符人真宗時
謚恭懿

知天雄軍贈中書令王顯開封人真宗時謚忠肅
知河陽軍贈太尉王昭遠阜城人咸平中謚惠和
彰德軍留後知貝州兼部署贈侍中馬知節幽州薊
人真宗時謚正惠

建雄軍節度使知青州贈尚書令魯國公王超趙州
人真宗時謚武康

樞密使冀國公贈太尉中書令王德用超子仁宗時
謚武恭

吏部尚書贈左僕射宋白大名人初謚文憲真宗言
其素無檢改謚文安

右僕射贈侍中陳堯叟閬中人天禧初謚文忠

太子太師贈司空兼侍中陳堯佐堯叟弟仁宗時謚
文惠

武信軍節度使知天雄軍贈太尉陳堯咨堯佐弟仁

言法通考 卷之十一 二百四十三
宗時謚康肅

禮部侍郎贈兵部尚書魯宗道亳州譙人真宗時謚肅簡

初太常議宗道謚剛簡後改肅簡議者以爲肅不若剛得其實云

樞密副使贈刑部尚書宋湜長安人真宗時謚忠定左屯衛上將軍檢校太尉贈侍中王嗣宗汾州人真宗時謚景莊

叅知政事贈吏部尚書趙安仁洛陽人真宗時謚文

定

兵部侍郎贈右僕射陳彭年南城人真宗時謚文僖翰林學士楊億浦城人真宗時謚文

工部尚書知陳州贈右僕射張詠鄆城人真宗時謚忠定

永興軍節度使兼中書令贈太師尚書令劉通并州人真宗后父天禧中謚武懿

恩州兵馬都總管贈保寧軍節度使榮國公劉從德真宗后兄真宗時謚康懷

真定府路馬步軍副都總管贈昭慶軍節度使劉從
廣真宗后弟仁宗時謚良惠

邕州觀察使步軍副都指揮使贈從信軍節度使劉
永年從德子英宗時謚莊恪

太子太師贈中書令許國公呂蒙正河南壽州人真
宗時謚文穆

太尉贈太師中書令許國公呂夷簡蒙正姪仁宗時
謚文靖

司空同平章軍國事贈太師申國公呂公著夷簡子

元祐中謚正獻

觀文殿學士西太乙宮使贈太尉呂公弼夷簡子神
宗時謚惠穆

太常寺丞呂祖儉夷簡五世孫徙家金華寧宗時謚
忠

中書舍人兼侍講權直學士院提舉太平觀呂本中
公著曾孫紹興中謚文靖

殿前都指揮使贈侍中許均開封人真宗時謚榮毅
太子太保贈司空呂端幽州人真宗時謚正惠

吏部尚書平章事贈太傅中書令畢士安代州人真宗時謚文簡

檢校太傅領山南東道贈中書令吳元扆太原人尚太宗女真宗太中祥符四年謚忠惠

門下侍郎尚書右僕射平章事贈太尉中書令李沆肥鄉人景德中謚文靖

司空太尉兼侍中贈太師尚書令魏國公王旦莘縣人真宗時謚文正

工部尚書王素旦子熙寧中謚懿敏

端明殿學士簽書樞密院事贈通議大夫王倫旦從玄孫金人欲污以僞命不屈而死淳熙中追謚愍節左僕射昭文館大學士贈太尉中書令燕王向敏中開封人真宗時謚文簡

密州觀察使贈昭德節度使向傳範敏中子神宗時謚惠節

定國軍留後贈侍中追封吳王向經敏中孫神宗后父神宗時謚康懿

太子少保贈檢校少師向宗回經子徽宗時謚榮縱

尚書左僕射兼中書侍郎同平章事司空冀國公贈太師中書令王欽若新喻人仁宗時謚文穆

武寧軍節度使鄭國公贈太師中書令夏竦德安人仁宗時謚文莊始竦謚文正知太常禮院司馬光上奏曰臣聞大戴禮曰謚者行之迹也行出於己名生于人所以勸善沮惡不可私也謹按令文諸謚王公及執事官三品以上皆錄行狀申省議定奏聞所以重名實示至公也陛下聖德涵容如天如地哀憫舊臣恩厚無已知竦平生不協衆望不欲委之有司

槩以公議且將掩護其短推見所長故定謚于中而後宣示於外臣等謂猶宜擇中流之謚使與行實粗相應者亦非羣臣所敢議也今乃謚以文正二者謚之至美無以復加雖以周公之才不可兼取况如竦者豈所克當所謂名與實爽謚與行違傳之永久何以爲法光又上奏畧曰臣等切跡謚法本意所謂道德博聞曰文者非聞見博雅之謂也蓋以所行所學不離于道德也靖共其位曰正者非柔懦苟媮之謂也蓋詩云靖共爾位正直是與也今竦奢侈無度

聚歛無厭內則不能制義于閨門外則不能立效于邊鄙言不副行貌不應心語其道德則貪淫矣語其正直則回邪矣此皆天下所共聞非臣等所敢誣加也陛下乃以文正謚之臣等慙愚不達大體不知將以何謚待天下正人君子哉且陛下所以念竦如此厚者以竦嘗爲東宮臣也向者東宮之臣死而得謚者非一陛下未嘗親有所定至于竦獨不然豈非知竦所爲不合衆心耶陛下必以竦爲正直無疑則何不委之有司付之公議然則陛下掩護其短適所以

彰之也陛下念竦不已則莫若厚撫其家至於謚者先王所以勸善沮惡非供恩澤之具也凡國家所以馭臣下者不過禍福榮辱而已爲善者生享其福死受其榮爲不善者生遇其禍死蒙其辱天下雖欲不治安何可得也如有不令之臣生則盜其祿死則盜其榮名善者不知所勸惡者不知所懼臧否顛倒不可復振此其爲害可勝道哉且謚法所以信于後世者爲其無私也今以一臣故敗之使蒙美謚者後世皆疑謚法將安所用哉臣等所以冒犯天威與人父

子爲怨者誠惜國家勸沮大法不可因循虧廢也伏
惟陛下哀憐依前所奏改賜竦謚天下幸甚乃改謚
文莊

太子少傅贈左僕射孫奭博平人仁宗時謚宣
兩浙轉運使孫瑜奭子謚忠

司徒岐國公贈太師兼侍中陳執中南昌人恕子仁
宗時謚恭 時禮官韓維曰執中以公卿之子遭世
承平因緣一言遂至貴顯天子以後宮之喪問所以
葬祭之禮執中位上相不能總率羣司考正儀典知

治喪凰儀非嬪御之禮追冊位號于宮闈有嫌建廟
用樂踰祖宗舊制皆白而行之此不忠之大者閨門
之內禮分不明夫人正室疏薄自絀庶妾賤人得逸
不制其治家無足言者宰相不能率禮秉道正身齊
家方杜門深居謝絕賓客曰我無私也我不黨也豈
不陋哉謚法寵祿光大曰榮不勤成名曰靈執中出
入將相以一品就第寵祿光大矣得位行政賢士大
夫無述焉不勤成名矣請謚曰榮靈不聽改謚曰恭
襄詔謚曰恭維復兩上疏爭之終不聽

武勝軍節度使檢校太尉兼侍中判河南府贈太師
中書令魏國公馮拯河陽人仁宗時謚文懿

左僕射觀文殿大學士判尚書都省魏國公賈昌朝
獲鹿人英宗時謚文元

太子太傅贈司空兼侍中梁適東平人熙寧中謚莊
肅

資政殿學士判尚書都省贈兵部尚書薛奎絳州人
仁宗時謚簡肅

同中書門下平章事贈太保中書令王曙河南人仁

宗時謚文康

戶部侍郎知穎州贈兵部尚書蔡齊膠水人仁宗時
謚文忠

吏部尚書孫冲平棘人謚康簡

禮部尚書贈尚書右僕射任中正濟陰人仁宗時謚
康懿

太子少師贈太子太傅任中師中正弟仁宗時謚安
惠

樞密副使贈禮部尚書周起鄒平人仁宗時謚安惠

鎮安軍節度使贈中書令程琳博野人仁宗時謚文簡

禮部尚書贈太子太師范雍河南人仁宗時謚忠獻
太子少傅贈太子太保趙稹宣城人仁宗時謚僖質
太子少保贈太子太傅任布河南人仁宗時謚恭惠
觀文殿學士兼翰林院侍讀學士尚書左丞同郡牧
制置使判尚書都省贈右僕射高若訥并州榆次人
仁宗時謚文莊

涇原路副都總管兼招討經畧安撫副使贈鎮戎軍

節度使兼太尉葛懷敏真定人仁宗時謚忠隱

武寧軍節度兼侍中贈太傅曹利用趙州寧晉人仁宗時謚襄悼

太子太師贈太師兼侍中鄧國公張耆開封人仁宗時謚榮僖

簽書樞密院事贈開府儀同三司張叔夜耆孫建炎中謚忠文

守汾州贈延康殿學士張克戩耆曾孫紹興中爲金人所攻力屈而死謚忠確

太子太保贈太尉楊崇勳薊州人仁宗時謚恭密尋改謚恭毅

高陽關都總管贈太尉夏守贊并州榆次人仁宗時謚忠僖

陝西副都總管兼緣邊招討副使贈昭信軍節度使夏隨守贊子仁宗時謚莊恪

知封州曹覲修理子與妻妹同死儂智高之難仁宗時謚忠肅

太尉贈節度使王正倫擊儂智高被害仁宗時謚忠

顯

同中書門下平章事判陳州贈中書令狄青西河人仁宗時謚武襄

資政殿大學士尚書左丞知河南府贈吏部尚書吳育建安人仁宗時謚正肅

觀文殿大學士西太乙宮使贈司空兼侍中吳克育弟神宗朝謚正憲

兵部尚書叅知政事贈司徒兼侍中宋綬趙州平棘人仁宗時謚宣獻

太子少傅贈太子太傅李若谷徐州豐縣人仁宗時
謚康靖

樞密副使贈兵部尚書王疇濟陰人英宗時謚忠簡
同知樞密院事贈戶部尚書王巖趙州臨城人仁宗
時謚忠穆

戶部侍郎知諫院事贈右僕射李諮新喻人仁宗時
謚憲成

安武軍節度使贈太尉程戡陽翟人英宗時謚康穆
太子少傅贈太子太保盛度餘杭人仁宗時謚文肅

尚書左丞贈吏部尚書丁度祥符人仁宗時謚文簡
尚書左丞贈吏部尚書張觀絳縣人仁宗時謚文孝
奉國軍節度使贈太尉鄭戩吳縣人仁宗時謚文肅
參知政事明鎬安丘人仁宗時謚文烈

參知政事贈太子太保孫忬眉山人英宗時謚文懿
侍講學士王洙虞城人仁宗時謚文
御史吳中復

言洙官不應得謚乃革罷之初夏竦卒賜謚文獻洙
當草制封還其目曰臣下不當與僖祖同謚因言前
有司謚王溥爲文獻章得象爲文憲字雖異而音同

皆當改於是太常更謚竦文莊而溥得象皆易謚

吏部侍郎贈尚書左僕射王堯臣洙兄子仁宗時謚

文安元豐三年子同老追訟父請立英宗功加贈太

師中書令改謚文忠

鄜延路副總管劉平開封人與元昊戰死于興州仁

宗時謚壯武

殿前都指揮使贈侍中許懷德開封人仁宗時謚榮

毅

戶部侍郎贈戶部尚書馮元南海人仁宗時謚章靖

戶部侍郎充三司使贈禮部尚書楊察合肥人仁宗
時謚宣懿

御史中丞贈禮部尚書李及新鄭人仁宗時謚恭惠

太子少保贈尚書右僕射馬亮合肥人仁宗時謚忠

肅

亮女為呂夷簡妻夷簡居相位謚之頗不厭眾

論

太子少傅贈太子太保晁迥澶州人仁宗時謚文元

資政殿學士給事中贈工部尚書晁宗慤迥子仁宗

時謚文莊

禮部尚書集賢院學士贈右僕射薛映成都人仁宗時謚文恭

太子太傅贈司空侍中李迪濮鄆城人仁宗時謚文定

金壇知縣贈朝散大夫直秘閣李成大迪之從子德祐時不屈於元而死謚忠節

右僕射平章事集賢院大學士贈中書令沂國公王曾益都人仁宗時謚文正

工部尚書同中書門下平章事會靈觀使集賢殿大學士贈太傅中書令張知白滄州清池人仁宗時謚文節

禮官謝絳初議文節御史王嘉言知白守道殉公當官不撓可謂正矣請謚文正王曾曰文節美謚矣遂不改

太子太師贈司徒兼侍中祁國公杜衍山陰人仁宗時謚正獻

兵部尚書贈司空兼侍中晏殊臨川人仁宗時謚元

獻

太子太保贈司空侍中潁國公龐籍武城人仁宗時謚莊敏

彰信軍節度使同平章事判河陽贈中書令王隨河南人仁宗時謚章惠後改謚文惠

鎮安軍節度使同平章事郇國公判河南府守司空贈太尉侍中章得象浦城人初謚文憲皇祐中改謚文簡

叅知政事贈兵部尚書楚國公范仲淹平江人仁宗

時謚文正

觀文殿大學士中太乙宮使贈開府儀同三司范純仁仲淹子徽宗時謚忠宣

龍圖閣學士范純禮仲淹子謚恭獻

太子少傅贈太子太保韓億靈壽人仁宗時謚忠獻司空檢校太尉贈太傅康國公韓絳億子元祐三年謚獻肅

太子太保贈司空崇國公韓縝億子紹聖四年謚莊敏

彰信軍節度使同中書門下平章事景靈宮使兼侍
中贈太師中書令隴西郡王李用和杭州人章懿皇
太后弟仁宗時謚恭僖

振武軍節度使知鄂州贈太尉李璋用和子仁宗時
謚良惠

提舉在京諸司庫務贈武安軍節度使兼太尉楊景
宗郟縣人章惠皇太后從父弟仁宗時謚章定

石州推官贈中書令清河郡王張堯封永安人溫成
皇后父仁宗時謚景思

太子太傅贈中書令萊國公寇準下邳人仁宗時追
謚忠愍

太傅贈太師中書令鄧國公張士遜陰城人仁宗時
謚文懿

太子少傅田况信都人仁宗時謚宣簡

右屯衛上將軍贈太尉高化真定人仁宗時謚恭壯
馬軍副都指揮使贈忠武軍節度使周美靈州人仁
宗時謚忠毅

工部尚書贈刑部尚書余靖曲江人仁宗時謚襄靖

禮部尚書張存冀州人仁宗時謚恭安

禮部侍郎贈禮部尚書包拯合肥人仁宗時謚孝肅
資政殿學士知青州贈兵部尚書吳奎北海濰州人
仁宗時謚文肅

武勝軍節度觀察留後侍御親軍馬軍副都指揮使
贈彰武軍節度使王凱太原人仁宗時謚莊恪

同中書門下平章事武成軍節度使判濟州贈中書
令柴宗慶大名人仁宗時謚榮密

知鄭州贈太尉郭承祐沙陁部人仁宗時謚密

北面行營都部署兼鎮定高陽關兩路排陣使贈侍
中譙王郭守文太原人仁宗后父謚忠武

太子少師贈太子太傅胡宿晉陵人英宗治平中謚
文恭

知鎮江府贈徽猷閣直學士胡唐老宿曾孫建炎初
爲建康潰卒所害謚定愍

吏部尚書胡宗愈宿之姪謚修簡

司空贈太尉兼侍中莒國公宋庠雍丘人英宗時謚
元獻庠初名郊諱者以郊交也宋交爲不祥仁宗

令改名

翰林學士贈尚書宋祁庠弟謚景文 祁卒遺令勿請謚其子從之久而無謚學士承旨張方平言祁法應得謚何待于請乃謚曰景文祁之令勿請謚者避榮名也然當時又有自知所行不善必無美謚而勿請者集賢院王皞上奏曰謚者行之表也善行有善謚惡行有惡謚蓋聞謚知行以爲勸戒舊典太常博士掌王公以下擬謚皆跡其功德爲之褒貶近者臣僚薨卒雖官該擬謚其家自知父祖別無善政慮定

謚之際斥其謬戾皆不請謚竊惟謚法自周公以來垂爲不刊之典蓋以彰善癉惡激濁揚清使其身沒之後是非昭然用爲勸懲今若任其匿避則爲惡者肆志而不悛乞自今後不必俟其請謚兼令有司舉行如此則隱慝無行之人有所勸沮若須行狀申乞方行議謚考諸方冊別無明證惟衛公叔文子卒其子戍請謚臣謂春秋之時禮壞樂崩公叔之卒有司不能明舉舊典故至將葬始請謚于君且周制太史掌小喪賜謚小史掌卿大夫之家賜謚讀誄以此知

有司之職自當舉行明矣詔下有司詳定如皞請焉
保靖軍節度副使知陳州宋喬年庠之孫政和三年
謚忠文

正議大夫殿中監贈金紫光祿大夫延康殿學士宋
昇喬年子徽宗時謚恭敏 昇黨於蔡京

太子少師贈太子太師歐陽脩廬陵人神宗熙寧五
年謚文忠

李清臣以脩變士習爲古文又勸早立皇子兩
與定策謀故也

太子太師贈司徒兼侍 十張昇韓城人熙寧五年謚
康節

太子少師贈太子太師 趙鼎虞城人神宗時謚康靖
司徒兼侍中永興軍節度使贈尚書令魏國公韓琦
安陽人神宗時謚忠獻

資政殿學士知紹興府韓肖胃琦曾孫紹興中謚元
穆

慶遠軍節度使太尉韓同卿琦五世孫寧宗后父寧
宗時謚恭靖

刑部侍郎金紫光祿大夫竇舜卿安陽人熙寧中謚
康敏

太保贈太師中書令魯國公會公亮晉江人元豐元
年謚宣靖

鎮江軍節度使同平章事判揚州贈太保中書令秀
國公陳升之建陽人神宗時謚成肅

建雄軍節度使贈太師尚書令兼中書令康王高繼
勳蒙城人宣仁太后祖神宗時追謚穆武

安德軍節度使贈開府儀同三司高誘宣仁后姪徽

宗時謚忠定

集慶留後贈感德軍節度使新興郡王高公紀宣仁
后姪哲宗時謚懷僖

感德軍節度使開府儀同三司少保贈少傅高世則
公紀子高宗時謚忠節

僕射判汝州司徒贈太尉韓國公富弼河南人神宗
時謚文忠

嘉州刺史贈崇信軍節度使任澤英宗母僊遊夫人
弟神宗時謚恭僖

工部尚書知陳州劉沆永新人謚文安

知邕州贈奉國軍節度使蘇緘晉江人神宗時謚忠
勇 皇朝賜謚忠壯

緘禦交趾無援一門死者三十六人神宗嗟歎

工部尚書李兌臨潁人神宗時謚莊

給事中贈光祿大夫吏部尚書徐禧分寧人相視永
樂城爲夏兵所殺神宗時謚忠愍

資政殿學士判南京留司御史臺贈工部尚書蔡挺
宋城人元豐二年謚敏庸

觀文殿學士贈吏部尚書王陶萬年人元豐三年謚
文恪

樞密副使知洪州贈金紫光祿大夫王韶德安人元
豐四年謚襄敏

武勝軍節度觀察留後提舉醴泉觀贈寧遠軍節度
使王厚韶子元符中謚莊敏

殿前都指揮使贈侍中郝質介休人元豐中謚武莊
建武軍節度使殿前都指揮使贈侍中賈逵藁城人
元豐中謚武恪

參知政事太子少保贈太子少師趙抃西安人元豐七年謚清獻

簡
參知政事贈禮部尚書唐介江陵人神宗時謚質肅
資政殿學士贈吏部尚書邵亢丹陽人神宗時謚安簡

威武軍留後贈安武軍節度使宋守約開封人神宗時謚勤毅

殿前副都指揮使楊燧開封人神宗時謚莊敏
太子少師贈司徒馮京江夏人哲宗時謚文簡

太子少師加太子太保贈司空張方平宋城人哲宗元祐中謚文定

方平遺令勿請謚尚書右丞蘇轍爲請乃謚之
彰德軍節度使檢校太師贈開府儀同三司王拱辰
咸平人哲宗時謚懿恪

同知樞密院薛向萬全人元祐時追謚恭敏
銀青光祿大夫蜀國公贈金紫光祿大夫范鎮華陽
人元祐中謚忠文

資政殿大學士知河南府贈銀青光祿大夫范百祿

鎮兄子謚文簡

右光祿大夫贈開府儀同三司孫固管城人元祐中謚溫靖

同知樞密院事贈銀青光祿大夫趙瞻整屋人元祐中謚懿簡

中書侍郎贈銀青光祿大夫傅堯俞濟源人元祐中謚獻簡

資政殿學士兼侍讀贈銀青光祿大夫孫永常社人元祐中謚康簡

殿前副都指揮使贈開府儀同三司苗綬潞州人元祐中謚莊敏

左僕射觀文殿大學士特進司空贈太傅舒王王安石臨川人紹聖中謚文

資政殿大學士知揚州贈右銀青光祿大夫張璪全椒人哲宗時謚簡翼

尚書左僕射兼門下侍郎贈太師溫國公司馬光夏縣人元祐中謚文正

兵部尚書司馬朴光從孫謚忠潔

靖康初以兵部侍郎使金握節而死

正議大夫贈太師蔡確晉江人哲宗時謚忠懷

尚書左丞贈開府儀同三司鄧潤甫新城人哲宗時謚安惠

武康軍節度使贈開府儀同三司劉昌祚真定人哲宗時謚毅肅

武信軍節度使贈開府儀同三司燕達開封人哲宗時謚毅敏

檢校司空奉寧軍節度使贈開府儀同三司姚雄五

原人哲宗時謚武憲

步軍副都指揮使贈奉國軍節度使劉舜卿開封人哲宗時謚毅敏

龍圖閣學士知揚州贈左銀青光祿大夫滕元發東陽人哲宗時謚章敏 滕元發即滕甫

金紫光祿大夫尚書左僕射兼門下侍郎贈太師岐國公王珪華陽人哲宗時謚文恭

起居舍人黃庭堅分寧人謚文節 太常寺謚議畧曰夫子曰有德者必有言蓋行者文也德者實也德

稱乎文則文之著乃實之形也無其實而有其文抑
未矣黃公以文名世世人知其磊磊軒天地者此也
不知其真履實踐卓乎不可企及非吾夫子所謂有
德者必有言乎紫陽朱夫子稱公爲孝友周文忠公
記分寧祠非徒曰瓌璋之文妙絕當世而又曰孝友
之行追配古人則公之平生凡性分所當盡者真無
毫髮遺憾矣其爲元祐史官也王荆公勿令上知之
語陸左丞隱而不書公爭辯甚苦辭氣壯厲至目爲
佞史紹聖間羣小用事追仇元祐史官詔拘畿縣以

報所聞衆悚惕失據公隨問隨答弗惕弗隱而謫黔
徙戍委頓萬狀畧無幾微見顏面其爲承天塔記也
部使者阿順風旨萬千交煽遂有宜州之行人不堪
其憂而公處之裕如也公之所學如此守道守官如
此公之處生死禍福如此信乎其爲有德有言之士
其可與操觚翰咏聲音警采色者例之乎謹按謚法
曰道德博聞曰文能固所守曰節公之文名愈久愈
著如皦日之行天終古不滅非道德博聞不及此公
之氣節愈挫愈勁如精金之在冶百鍊不磨非能固

言法通考 卷之二十一 三十一
所守不及此請以文節謚公宜無歎

右丞相贈光祿大夫朱諤華亭人徽宗大觀元年謚忠靖

大中大夫贈觀文殿大學士曾布南豐人大觀中謚文肅

尚書左丞梁燾須城人謚忠肅

太子少保贈太子少師元絳錢塘人政和初謚章簡
觀文殿學士奉國軍節度使佑神觀使贈開府儀同
三司許將閩縣人政和中謚文定

知舒州資政殿學士林希福州人蔡京之黨徽宗時謚文節

知衢州事贈龍圖閣直學士通議大夫彭汝方鄱陽人死於方臘謚忠毅

權叅知政事程克俊浮梁人謚章靖
尚書左丞贈太傅蔡卞仙遊人政和中謚文正

瀘州軍節度使贈檢校少保劉仲武成紀人徽宗時謚威肅

江淮浙西制置使贈開府儀同三司劉琦仲武第九

子孝宗時謚武穆

馬步軍副總管贈感德軍節度使張蘊開封人徽宗時謚榮毅

定州真定大名副都總管贈昭化軍節度使楊應詢
郟人章惠皇后族孫徽宗時謚康理

觀文殿大學士佑神觀使贈司徒趙挺之密州人徽宗時謚清憲

靜安軍節度使康國公贈太保劉正夫西安人徽宗時謚文憲

太傅贈太師追封清源郡王何執中龍泉人徽宗時謚正獻

太保贈太師華源郡王鄭居中開封人徽宗時謚文正

知樞密院事贈開府儀同三司張康國揚州人徽宗時謚文簡

資政殿學士知東平府贈開府儀同三司侯蒙高密人徽宗時謚文穆

尚書左丞贈龍圖閣直學士李邦彥懷州人宣和三

年謚宣簡

吏部侍郎間丘訢麗水人徽宗時謚清簡

龍圖閣直學士李浦浙人徽宗時謚宣簡

太子少保太師潞國公文彥博汾州人初以元祐黨籍無贈謚後徽宗特命出籍追復太師謚忠烈

資政殿學士中太乙宮使贈右銀青光祿大夫章粲浦城人徽宗時謚章簡

端明殿學士江南東路安撫大使知建康府兼行宮留守章誼浦城人紹興中謚忠恪

江東轉運使薛良顯瑞安人謚忠愍

良顯崇寧中進士江寧軍校周德作亂良顯率衆與戰死之

顯謨閣直學士通議大夫贈光祿大夫鄭僅彭城人徽宗時謚修敏

禮部尚書提舉上清寶籙宮贈特進姚祐長興人徽宗時謚文僖

右正言贈中大夫陳禾鄞人徽宗時謚文介太僕寺卿陳槩鄞人禾之曾孫寧宗時謚文定

寶謨閣待制贈光祿大夫李伯宗河陽人徽宗時謚
榮

少保莘國公贈太傅鄧洵汝陰人宣和中謚文簡

延康殿學士提舉醴泉觀兼侍讀監修國史贈資政
殿學士強淵明錢塘人蔡京黨徽宗時謚文憲

吏部員外郎贈徽猷閣待制傅察濟源人宣和七年
使金不屈死乾道中謚忠肅

龍圖閣學士提舉鴻慶宮贈開府儀同三司傅伯成
察之孫端平三年謚忠簡

河北制置使贈少師种師中洛陽人欽宗靖康中謚
莊愍

檢校少師太尉贈少保种師道師中兄高宗建炎中
謚忠憲

寶謨閣待制知單州贈銀青光祿大夫孫馨江都人
靖康中謚通靖

榮州團練使贈明州觀察使程迪開封人靖康中與
金人力戰而死謚恭愍

吏部尚書贈觀文殿學士李若水曲州人高宗時謚

忠愍

京城四壁守禦使贈資政殿學士劉齡建陽人高宗時謚忠顯

徽猷閣待制提舉太平觀劉子羽齡之子謚忠定

觀文殿學士光祿大夫劉珙子羽子淳熙中謚忠肅

劉之先又有名領謚忠簡純謚忠烈故世號五

忠劉氏

禮部侍郎贈端明殿學士譚世勳長沙人高宗時以不受張邦昌偽命謚端潔

知晉寧軍贈彰化軍節度使徐徽言西安人高宗時爲金將婁宿所執不屈而死謚忠壯

淮寧太守贈通議大夫向子韶開封人神宗后再從姪高宗時金兵陷淮寧不屈而死謚忠毅

建康通判贈徽猷閣待制楊邦乂吉水人高宗時謚忠襄

直龍圖閣知鄧州贈大中大夫劉汲丹稜人高宗時死於金寇謚忠介

直秘閣知同州贈樞密直學士鄭驤玉山人高宗時

金寇入赴井死謚威愍

提點河東刑獄贈中大夫資政殿學士郭永元城人
高宗時爲金師所囚不屈死謚勇節

楊宗閔代州人爲契丹亡將所殺高宗建炎二年以
孫存中請追謚忠介

知麟州贈武經郎楊震宗閔子爲契丹亡將所殺以
子存中請追謚忠毅

檢校少保同安郡王楊存中震子乾道中謚武恭
徐州觀察使泗州漣水軍鎮撫使兼知楚州贈奉國

節度使開府儀同三司趙立徐州人高宗時被金人
飛砲中首卒謚忠烈

龍圖閣待制知徐州贈資政殿學士王復不知何所
人建炎三年金師破徐州闔門百口皆被殺謚壯節
延康殿學士知青州贈光祿大夫曾孝序晉江人因
將官王定爲亂與其子同遇害謚威愍

同知樞密院事贈觀文殿大學士聶昌臨川人建炎
中使金遇害謚忠愍

資政殿學士京城留守贈觀文殿學士通議大夫宗

澤義烏人謚忠簡

觀文殿大學士提舉洞霄宮李綱邵武人高宗時謚忠定

少傅贈開府儀同三司孫傳海州人建炎中謚忠定
中書侍郎贈開府儀同三司陳過庭山陰人建炎中謚忠顯一謚忠肅

樞密直學士豐稷鄞縣人建炎中追謚清敏

文彥博嘗評稷爲人似趙抃及賜謚皆以清名
尚書右僕射兼知樞密院事朱勝非蔡州人謚忠靖

江東按撫制置大使贈太師秦國公呂頤浩齊州人謚忠穆

右丞相贈少師汪伯彥祁門人建炎中謚忠定

資政殿大學士提舉洞霄宮許景衡瑞安人高宗時謚忠簡

同知樞密院事張懋樂壽人高宗時謚忠穆

四川宣撫使鄭剛中金華人初忤秦檜謫封州檜死高宗復其官謚忠愍

左光祿大夫魏良臣宣城人高宗時謚敏肅

國子祭酒知湖州葛仲勝丹陽人紹興中謚文康
少保贈少師葛邲仲勝孫寧宗時謚文定

泗州宣撫使贈少師涪王吳玠隴西人紹興中謚武
安

太師贈申王秦檜江寧人紹興中謚忠獻

開禧二年追奪王爵改謚謬醜嘉定元年史彌

遠奏復王爵贈謚

尚書右僕射同中書門下平章事金紫光祿大夫房
侯嵩陽武人紹興中謚忠靖

金州樞密院都統制檢校少保贈檢校少師郭浩隴
千人紹興十五年謚恭毅

太尉贈開府儀同三司楊政臨涇人謚襄毅

知廬州總帥事贈保靜軍節度使張宗顏延安人紹
興九年謚壯敏

太保三京招撫處置使贈太師鄜王劉光世保寧人
紹興中謚武僖

宣州觀察使曲端鎮戎人紹興中爲張浚所殺浚罷
追復端官爵謚壯愍

資政殿大學士贈左光祿大夫王綸建康人紹興三十一年謚章敏

知樞密院事贈左銀青光祿大夫沈與求德清人紹興中謚忠敏

宣奉大夫贈少師王師心金華人謚莊敏

徽猷閣學士洪皓鄱陽人紹興中謚忠宣

觀文殿學士浙東安撫使奉祠洪适皓子淳熙中謚文惠

資政殿學士提舉洞霄宮洪遵皓次子淳熙中謚文

安

端明殿學士贈光祿大夫洪邁皓季子淳熙中謚文敏

資政殿學士知紹興府奉祠張守晉陵人紹興中謚文靖

寶謨閣直學士知湖州提舉江州太平觀常同臨印人紹興中謚忠毅

慶遠軍節度使提舉洞霄宮贈少師嘉國公邢煥開封人高宗邢后父紹興中謚恭簡

簽書樞密院事兼權叅政知廣州樓炤永嘉人紹興
中謚襄靖

吏部尚書提舉亳州明道宮洪擬丹陽人紹興中謚
文憲

廣西轉運判官黃灝都昌人謚文簡

寶文閣待制贈寶文閣直學士鄒浩常州人紹興時
追謚忠

左正言贈直徽閣張庭堅廣安人紹興時追謚節閔
右正言贈諫議大夫陳瓘南劍州人謚忠肅 高宗

謂輔臣曰陳瓘昔爲諫官甚有讜議近覽所著尊堯
集明君臣之大分合于易天尊地卑及春秋尊王之
法王安石號通經術而其言乃謂道隆德峻者天子
當北面而問焉其背經悖理甚矣宜特賜謚以表之
謚曰忠肅

龍圖閣直學士曾肇建昌南豐人紹興時追謚文昭
朝奉郎提舉玉局觀贈太師蘇軾眉山人紹興時追
謚文忠

大中大夫端明殿學士蘇轍軾弟淳熙時追謚文定

觀文殿學士贈太師宣國公呂大防藍田人紹興時
追謚正愨

觀文殿大學士大中大夫贈少師劉摯東光人紹興
時追謚忠肅

崇信軍節度副使累贈太保張商英新津人紹興時
追謚文忠

殿中侍御史贈右諫議龔夬瀛州人紹興中追謚節
肅

知真定府贈昭化軍節度使李邈清江人使金不屈

而死紹興中追謚忠壯

資政殿學士提舉臨安府洞霄宮蕭燧臨江人紹興
中謚正肅

觀文殿學士贈少保李彥穎德清人紹興中謚忠文
京兆路經畧制置使贈資政殿學士唐重眉州人高
宗時爲金人所攻城陷而死謚恭敏

華文閣直學士陳居仁鄞人紹興中進士謚文懿

翰林學士贈少師高閔鄞人紹興元年進士謚憲敏
忠州刺史贈保寧軍節度使魏勝宿遷人孝宗隆興

時與金人戰墜馬死謚忠壯

檢校少保淮東宣撫使贈太尉張子蓋成紀人隆興中謚恭莊

資政殿大學士提舉萬壽觀兼侍讀張燾德興人隆興中謚忠定

河北副總管贈太尉楚王李道安陽人隆興中謚忠毅

福建安撫使贈金紫光祿大夫汪澈浮梁人隆興中謚莊敏

知樞密院事葉義問壽昌人乾道六年謚忠簡

簽書樞密院事兼都統制贈開府儀同三司少保王淵熙州人爲苗傅劉正彥所害乾道中謚襄敏

資政殿學士胡銓廬陵人乾道中謚忠簡

太師太寧郡王追封衛王吳蓋開封人憲聖后弟乾道中謚莊簡

中奉大夫寶文閣學士李植臨淮人乾道中謚忠襄
岳陽軍節度使贈太尉韓公裔開封人乾道中謚恭
榮

秘書少監權禮部侍郎曾幾
贑州人乾道中謚文清
敷文閣學士贈太師溫國公李燾
靖州人乾道中謚文簡

禮部尚書資政殿學士李真
燾子謚文肅

端明殿學士贈資政殿學士李壁
燾第三子嘉定十五年謚文懿

端明殿學士贈吏部侍郎蔡襄
仙遊人乾道時以會孫洸請追謚忠惠

寧州觀察使兼同虢州制置使贈彰武軍節度使李

彥仙寧州人乾道八年謚忠威

彥仙投河死金人屠其家張浚承制贈以官建廟商州號忠烈宣撫使周聿請卽陝州立廟號義烈後以商陝與金徙其廟閭中

清遠軍節度副使贈太傅豐國公趙鼎聞喜人孝宗時謚忠簡

少師醴泉觀使贈太師魏國公張浚廣漢人孝宗時謚忠獻

橫貴廉三州都巡檢使贈太尉毛炳富川人死於交

言 卷之十一 二百七十一
寇之難乾道中謚忠順武烈

資政殿學士李光上虞人孝宗時謚莊簡

太師蘄王韓世忠延安人孝宗時謚忠武

御史中丞知樞密院事湯鵬舉金壇人孝宗時謚敏

肅

湖北經畧安撫使王庶慶陽人孝宗時追謚敏節

觀文殿學士贈特進葉顥仙遊人乾道中謚正簡

左僕射同中書門下三品兼樞密使贈太師魯國公

陳康伯弋陽人乾道中謚文恭慶元初改謚文正

少保鄂王岳飛相州湯陰人淳熙中謚武穆

太尉贈開府儀同三司李顯忠青澗人淳熙時謚忠
襄

顯忠與父永奇俱陷於金後歸朝爲金人追及
家人二百口皆遇害

觀文殿學士贈銀青光祿大夫錢端禮臨安人淳熙

中謚忠肅

資政殿大學士贈特進魏杞壽春人淳熙中謚文節

資政殿大學士贈正奉大夫太傅周葵宜興人淳熙

諡法通考 卷之十一
中謚惠簡

資政殿學士龔茂良莆田人淳熙中謚莊敏

同知樞密院事黃祖舜福清人孝宗時謚莊定

同知樞密院事贈資政殿大學士光祿大夫王剛中

樂平人孝宗時謚恭簡

端明殿學士知平江府汪應辰全山人淳熙中謚文
定

資政殿大學士贈開府儀同三司宇文虛中成都人
初受金人僞官爲國師旣以謀歸朝被殺淳熙中追

謚肅愍

資政殿學士贈少師宇文紹節虛中族姪嘉定六年

謚忠惠

端明殿學士贈正議大夫黃中邵武人淳熙中謚簡
肅

少保武安軍節度使四川宣撫使贈太傅雍國公虞

允文仁壽人淳熙中謚忠肅

右丞相贈少師儀國公梁克家晉江人淳熙中謚文
靖

資政殿學士提舉杭州洞霄宮李邴任城人孝宗時謚文敏

少師贈太保魏國公陳俊卿莆田人孝宗時謚正獻中書舍人贈直龍圖閣諫議大夫任伯雨眉山人淳熙時謚忠敏

龍圖閣學士提舉興國公胡沂餘姚人淳熙中謚獻肅

資政殿學士贈光祿大夫劉章龍游人淳熙中謚靖文

資政殿學士知婺州張綱丹陽人初謚文定孝宗時改謚章簡

觀文殿大學士提舉洞霄宮贈少師王淮金華人孝宗時謚文定

知衢州彭汝方饒州鄱陽人汝礪弟罵賊而死謚忠毅

觀文殿學士贈太師鄭僑莆田人謚忠惠

秘閣修撰吳執柔宣州寧國人潛之父謚正肅

